

Her biri derdim görüp aşkında kan ağlar bana
Tâze tâze dağdan başdan ayağa dîdeyin
Ey Hayâlî dergesinde Şehriyâr-î âlemîn
Nice yıllar geçdi kim vâbeste bir ümmîdeyin

417

Yüz buldu ise gonca igende açılmasın
Öykümmüş agzına bu haberler yazılmasın
Vermez selâm kendiyi yüksekte kor geçer
Ol serv-kameti nice ser-keş denilmesin
Şîrâze etdi hüsnünün evrakına hatın
Ahım yelinden ol peñ dedi dağılmasın
Nem var ise nazarda durur nakd-i kalb ile
Eşküm yoluna nice dökülüp saçılmasın
Bezme Hayâlî şu'le-i âhım yeter çerağ
Bir yana şem-i cem'de yanıp yakılmasın

418

Hudâ rahm eyleyip bülbüllerin ah-i fegânından
Yine bir gonca sundu dehre devlet gülsitânından
Nergisleri gülzâr-ı dünyâya verib zînet
Tarâvet kesb ede bağ-ı cihan serv-i revânından
Demi nakd eyleyip misk-i Hutun kendin gelip ana
Ala buy u mahabbat turra-i anber feşânından
Nişânım depresir benzer nişâne ola dünyaya
Anun müjgan-ı kaşî Haydarın tir-ü kemânından
Hayâlînin du'ası bu durur Ya Rab ki sen sakla
O gülzâr-ı sa'adet goncasın dehrin hazânından

419

Fenâ ehline ta'n etme geçip ucb ile yanından
Bu dehr-i vahşet âbâdın sakın şîr-i jiyânından
Yeterdi bu kadar rif'at iki âlemde Mecnûna
Seg-i Leylî gelip bir kez götürse üstahânından
Eger hürşîdi Cibrîl âfitâbe ilte red eyler
Şu kim Mansûr-ı aşk olup elin yur kendi kanından

Benim gönlümdür ol evc-i mahabbet şâhbâza kim
Nice Mecnûn gibi yavru uçurdum âşiyânından
Hayâlî nazımı her kande okunsa isimâ etsen
Olursun feyze kâbil bu mahabbet dâsîfânından

420

Edip der-pôst Mecnûnu geçirmiş dost yanından
Vefa ayimini öğren gönül Leylî çobanından
Acab mi cism-i Mecnûn merkadinde tâze cân bulsa
Seg-i Leylî gelip bir gün yalarsa üstühânından
Yüzüne stilleler gelse nola pervâneler şem'ün
İzârın yâdına nâr-ı hased yakmış zebânından
Dediler kim hazân eyyâmı geldi vakt-i işretdir
Bahârından ne gördüm kim görem anun hazânından
Hayâlî bende-i dîrînedir lutfun dirig etme
Anın gibi suhan-perver cihânın nükte-dânından

421

Cismim üzre şûle-i gam hil'atimdir nûrdan
Dûd-u ahım başıma bir tacdir semnûrdan
Kûh olursan da sakın bir berg-i kâha etme cevr
Ger Süleymânsan nola havf eyle âh-ı mûrdan
Her sehergeh hurmenine kâ'inatun od salar
Pertev-i hôr kim çıkar bu ser-nigûn temnûrdan
Bezmi-i gamda nây-veş cismîn tehî kıl gayrdan
Cân kulâğyla işit bu nükteyi tanbûrdan
Bezmi-i vahdette Hayâlî aşk câmın eyle nûş
Ehl-i dil mest-i Elest olmaz mey-i engûrdan

422

Ma'mur olam deme bu cihân-ı harabdan
Def-i harâret etmedi teşne serâbdan
Nerm eylerim dürrüştünü halk-ı zemânenin
Âyîn-i fakrı guş edeli âşiyâbdan
Ol zevki kim verirdi bana çeng ü nây ü def
Aldım ben ol sadayı tamin-i zübâbdan